

[1]每個人都有唔同嘅身形同外表，外表隨住年齡而改變亦都係好正常嘅事，所以笑人肥或老係唔啱㗎。

[2]「酒窩」或者「酒粒」，係指人笑嗰陣，兩邊面頰出現嘅小圓窩。好多人會覺得人有酒粒會特別得意同埋靚。

[3]「文靜」形容人好斯文、安靜。

[4]「細粒」形容人體型細小，多數用喺小朋友同女性身上。形容可愛又細小嘅人，可以用「細細粒」嚟加強語氣。

[5]「訓話」係由高層（老師或上司等）向屬下教導，帶有正經、嚴肅嘅意味。

[6]「發白日夢」可以指諗埋啲不設實際、無乜可能嘅嘢。

[7]「笑瞇瞇」形容人微笑嗰時上下眼皮瞇埋，形成好似一條線嘅樣。

[8]「博士」即擁有博士學位嘅人，係現今最高嘅學歷。以前亦會用嚟稱呼博學嘅人。

[9]「慈祥」、「仁慈」、「安祥」，通常用嚟形容老人家。

[10]「老爺」係一個女性對自己老公嘅爸爸嘅專稱。同時，有唔少已婚女性用「我家老爺」嚟形容「我屋企嘅男性話事人」。換句話講，「老爺」其實係指「老公」，睇嘅時候要顧及前文後理，要小心分清楚。

[11]「新抱」係對自己個仔嘅老婆嘅專稱，亦即「媳婦」。

[12]「媽啊我好亂呀」形容特發情況，或者對方言論令自己感覺好混亂嘅潮語。

[13]「傳聞」係未經考證嘅傳言，所以唔好盡信呀。

[14]「黑黝黝」形容某樣嘢顏色好黑得嚟好深色，或者形容光線好暗嘅環境。

[15]「硬係」即係「總係」，帶有倔強、硬頸嘅意味。例如：「你硬係要駁咀嘅。」

[16]「應承」即係同意做一啲對方好希望見到嘅嘢。小朋友有時會「勾手指尾」嚟互相應承對方一啲嘢。

[17]「出賣」有洩露或交換一啲嘢嚟加害某個人嘅意思。

[18]「裝模作樣」形容某人虛情假意、扮晒嘢，有討厭嘅意味。

[19]「周記簿」係小學常見嘅周末功課，俾學生記錄一星期入面，或者星期六日發生過咩事，再俾老師評語。

[20]「家下」即係「依家」嘅意思。

[21] 手提電話（智能電話）可以隨身帶住嘅電話。隨住時代進步，依家大部份人嘅手提電話都係智能電話嚟，有影相嘅功能。

[22] 微軟 (Microsoft) 嘅Word係常用軟件，通常用嚟編輯文字檔案，而「四十八號字體，標楷字型」係對中文字顯示嘅設定嚟。

[23]「過膠」係將文件放入特製膠片，放入一部會發熱嘅機器，膠片受熱之後會癱埋一齊，成份文件就會俾膠緊緊包住咗，變得耐用、防水。

[24]「集隊」指立正排隊。香港嘅中、小學入面，同學經常都要集隊嚟出席學校恆常活動（例如早會）。

[25]「早會」係中、小學入面，主要用嚟聽老師分享或接受訓導嘅恆常活動。通常係朝早進行，所以叫早會。

[26]「人龍」係指好多人排緊嘅隊。如果條隊長到繞埋好似一條蛇嘅，就叫做「打蛇餅」。

[27]「入定」係佛教用語，指人靜座修行嗰時，排除雜念。用喺日常生活度，就指某人郁都唔郁，定咗喺到。

[28]「傳染」

原本指病原體喺生物之間傳播，後來引伸到某樣嘢感染他人嘅意思。例如「一個人唔開心，好容易傳染到身邊其他人都一齊唔開心」。

[29]「筆劃」即係組成一個中文字嘅直、曲、橫、斜線。而寫一個中文字嘅筆劃係有次序嘅，稱為「筆順」。